

堅

瓠

集

堅瓠二集卷之四目錄

箕仙詩句

簫杖

梅杖

羊羹

楊妃菊

繡養娘

吳門上元

聶碧窗

地仙丹

梅開一花

櫻桃一實

童子能詩

鄧文龍

伐松

堅城二集

卷四

歌詞侑酒

鬼門關

刺夏貴

杜氏婦

嘲翟姓

杜善甫

與死飯

武廟微行

版腸

淡酒

猪無糟

趙胡蘆

嘲近視

王少卿

皇甫氏

婢僕詩

題屏丞像

四十翁

嘲禿指

烹雞頌

偷狗賦

打拙豐

鋸匠詩

龍宮海藏

採蟬酥

金陵十六樓

商文毅對

阿丑

智公得路

譏張江陵

張江陵對句

譏教授

僧效相嘲

以姓爲聯

丘丈莊對

龍聽以角

詩規鉄座

巾詩

一錢覓酒

裁縫冠帶

鑄彌遠

庶吉士

韓佐胃

五經題

頭場題

善天文

鼻頭

僧臘

五大夫

吳祀范蠡不當

齊已詩

洞庭漁人

鏡殿

題詩僧菴

虎歌

劉菊莊

重刻褚石農堅瓠集卷之四

甬上留香閣主人較刊

箕仙詩句

七修類稿金陵士某名仙得詩云風露淒涼雨過天愈疎有月到床前夜深不作紅塵夢註得南華四十篇又云強胡擾擾我提兵血戰中原恨未平大厦已斜支一木豈明長脚候蒼生某請書名則二人乃陳

搏岳飛也偶同過此用書數語某又問今  
秦檜亦托生否又書云自古奸忠同一死  
奸忠死後各留名奸忠總在斯文斷端有  
來生與後生又周吉甫暉金陵瑣事亦載  
某請仙仙降書是岳武穆因問將軍恨秦  
檜否仙書詩一首中聯云出師未捷班師  
急相國友爲敵國謀酷似武穆口語惜其  
詩不全



# 簫杖

譙言長語餘姚徐菊坡有簫杖詩鑿發霜  
筠入手輕知音未遇伴閒行刻鳩賜老聲  
還憶隨鳳升山力可憑弄月松根因柱石  
倚風花底爲和笙何當扶上雲霄路吹徹  
鉤天合九成

# 梅杖

山房隨筆元學士關子靜復後廉訪浙西

有梅杖詩云揀盡西湖萬玉柯春氣入手  
重摩挲較量龍竹能香否北並鴉藤若柰  
何聲破夢寒霜滿戶影隨詩瘦月橫波只  
知功到調羹盡不道扶顛刀更多

羊羹

辛稼軒卽浙東時朱晦庵張南軒任倉憲  
劉改之欲見稼軒不納二公云某日公燕  
君可來門者不納但喧爭之必可入旣而

改之如所教門外果盟譚稼軒問故門者  
以告稼軒怒二公因言改之豪傑也善賦  
詩可試納之改之至長揖時方進羊腰腎  
羹稼軒命賦之改之寒甚乞卮酒酒罷乞  
韻飲酒手顫餘瀝流於懷因以流字爲韻  
卽吟曰拔毫已付管城子爛首曾封閔內  
侯死後不知身外物也隨尊酒伴風沆稼  
軒大喜命其嘗此羹終席而去○又稼軒

守京口時大雪帥僚佐登多景樓劉改之  
敝衣曳履而前稼軒令與雪以難字爲韻  
改之卽吟云功名有分平吳易貧賤無衣  
訪戴難自此莫逆云

楊妃菊

汾州李恭山節端平中朱湛盧復之使北  
展覲入陵引李與王仲偕南季後任西倅  
與正倅陳三與松蘿宴僚友于多景樓賞

楊妃菊令諸妓各持紙筆侍官衆請詩李  
後至酒一行卽起吟曰命委馬嵬坡畔泥  
驚覓飛上傲霜枝西風落日東睡下蒨倅  
三卽知不知辭最清切或至闋筆

### 繡養娘

西山張侔芸窗有繡養娘者命蒼頭邇一  
羅帕與館人劉啟之童偶遺之於地芸窗  
見而責劉卽遣去劉作詩謝張云夜深搗

鼓醉紅裙半世侯門熟稔聞自是東鄰窺  
來王非關司馬挑文君蒼頭誤送香羅帕  
驚舌翻成貝錦文幸賴老成持定方一帆  
安穩過溪雲

吳門上元

元昊僧本真號月湖半顛賦吳門上元云  
村翁看了上元歸正是西樓月落時響道  
官衙好燈火不知渾點爾膏脂微聞於郡

守吳退庵遂命住虎丘寺

聶碧窗

京口天慶觀主聶碧窗嘗爲龍翔官書記  
北朝赦至有詩云乾坤殺氣正沈沈又聽  
燕臺降德音萬口盡傳新詔好四朝誰念  
舊恩深分茅列土將軍志問舍求田父老  
心靡正立班猶昨日小臣無語淚沾巾觀  
中有趙太祖真容北來者見必拜碧窗題

其上云鳳表龍姿儼若新一回展卷下傷  
神天顏亦恠君非虜河北山東總舊臣

### 地仙丹

永嘉余德隣宗文與聶碧宿奕余屢北有  
賣地仙丹者國手也余呼之至給聶曰其  
有僕能奕欲試數着不敢聶俾對枰連敗  
數局余自內以片紙書十字云可憐道士  
碧不識地仙丹聶大笑曰吾固疑其不凡



梅開一花

盧梅坡庭梅開一花咏詩云昨夜花神有  
底忙先期踏白入南邦冷將隻眼窺春破  
肯把孤心受雪降樊弟得見呼最長竹君  
取友嘆無雙仍前月夜牕前看一在枝頭  
一在窗

櫻桃一實

薄漫堂與客燕坐見庭中櫻桃惟一實共

堅瓠集

卷四

六

九

以爲笑忽有客來訪自言能詩因命賦之  
燒丹道士藥爐空在費先生九轉功一粒  
丹砂尋不見曉來枝上弄春風衆咸喜之

童子能詩

吉州羅西林集刊近詩一士囊詩及門一  
童橫卧闌闌間喚童良久乃起曰將見汝  
主人求刊詩童曰請先與我一觀我以為  
可則爲公達士恠之曰汝欲觀我詩必能

吟請賦一絕當示汝童請題士曰但以汝  
適來睡起搔首意爲之童卽吟曰夜夢清  
竊上碧虛不知身世是華胥起來搔首渾  
無事啼鳥一聲春雨餘士駭服同入見西  
林取其菊詩曰不逐春風苑李妍秋風收  
拾短籬邊如何枝上金無數不與淵明當  
酒錢士出而疑之後知童乃羅之子也

鄧文龍

南康建昌縣有神童山每試童子百人取其  
一鄧文龍年八歲穎出諸童之右太守  
方巨山岳欲祝爲子父謂之曰汝予所鐘  
愛太守固欲祝汝將若何文龍曰第許之  
巨山一日招諸名士如馮紫山輩文龍父  
子亦與焉席上諸公祇服袴子文龍以綠  
袍居末座坐定供茶文龍故以托子墮地  
諸公戲以失禮文龍曰先生失衣學生落

托衆爲一笑酒酣巨山戲謂曰口紅衣綠  
如鸚鵡又龍應聲曰頸白形烏似老鴉又  
令賦君子竹詠曰滿酒子猷宅平將風月  
分兩軒渾似竹一日可無君衆異之後易  
名元觀十五領鄉薦登上第

### 伐松

靈隱寺僧元肇號淮海寺有古松大數十  
圍與月波亭相對火彌遠遣人伐松淮海

作詩云大夫去作棟樑材無復清陰覆綠  
苔惆悵月波亭上望夜深惟見崔歸來又  
穆陵在御閣貴妃父良臣起香火功德院  
欲於靈竺下伐松供屋材滄海亦作詩曰  
不爲栽松種茯苓祇緣山色四時青老僧  
不會穆將去留與西湖作西屏詩徹於上  
遂命勿伐又山中有寺基久圯勢家窺其  
地營墓淮海亦有詩刺之云一掃望山已

有年不須惆悵起顏碑道傍多少麒麟塚  
轉眼無人送紙錢豪家見之亦不復取

歌詞侑酒

戶曹之妻與太守有私一士子知其事戶  
曹任滿將行守招其夫婦飲士子作祝英  
臺近付妓歌以侑酒抱琵琶臨別語把酒  
淚如洗似慙春時倉卒去何意牡丹恰則  
開園荼蘼廝勾便下得一帆千里好無

詞復恐明日行阿如何戀得你  
一葉船兒休要更沉醉後來梅子青時楊花飛絮側  
耳聽喜鵲聲裏守與婦俱墮淚其夫不悟

鬼門關

翟惠父詠鬼門關詩盤盤重險壓三途慘  
慘陰靈怖萬夫青海戰魂來守鑰黃塵行  
客過張弧西風古道悲羸馬落日荒山嘯  
老狐年少文人今白首小昌休苦笑掀飲



惠父北人

刺夏貴

有刺夏金吾貴詩云節樓高聳與雲平通  
國誰能有此榮一語淮西聞養老三更江  
上便抽兵不囚賣國謀先定何事勤王詔  
不行縱有虎符高一丈到頭難免賊臣名  
人謂北兵既至許貴淮西一道與之養老  
故戢兵不戰然賣似道退師數十萬衆一

鼓而潰貴雖勇健亦何爲哉

杜氏婦

元杜氏婦作北征詩云江淮切女別鄉閭  
一似昭君遠嫁胡默默一身離故國區區  
千里送征夫懔拈簫管吹羌笛懶繫羅裙  
舞鵲鴟多少眼前悲泣事不如花柳舊江  
都此等詩詞多有戲題驛亭以爲美談者

嘲翟姓

陳雲屋朝翟姓云失足如何躍無光耀不成若非身倚木爲權亦難行時翟某館於水南楊氏蓋嘲其倚楊也

杜善甫

元杜善甫山東名士工詩文不屑仕進時有掌兵官遠戍於外其妻宴客鼓吹終夕杜作詩云高燒銀燭照雲鬟沸耳聲歌徹夜闌不念征西人萬里王閑霜重鐵衣寒

聞之怏怏見山房隨筆

喫死飯

吳俗治喪之家徧投訃音弔客不盡相識  
換身陪賓者備極醜態謂之喪齋又曰  
喫死飯蓋聞人死卽往堯攬經理其事思  
得一飽也數年前有孔姓者面目尤屬可  
憎借誕辰名色傳單歛分有無名氏作詩  
四章贈之云盡日茫茫事送迎樞頭擺尾

可憐生家風談詠喪千聲家狗不道當年  
讀去聲諧語恰中餘惜忘之或有言事則  
又色服趨踰自謂喜虽稱呼亦妙

### 武廟微行

明武廟微行遇一婦人汲水乃口占一詞  
云汲水上南坡紅裙映碧波雖然不似俺  
宮娥野花偏艷目村酒醉人多亦自風騷  
可喜

版腸

宋學士過洛或挽留之不從乃以步蹇  
藏去他所公作詩云寒驅犂斷紫絲韁却  
去南城趁草塲繞遍洛陽尋不見西風一  
昨版腸香河南人言賊曰版腸故云

淡酒

雲間酒淡有人作行香子云浙右華亭物  
價廉平一道會買箇三升打開瓶後情辣

光著教君霎時飲霎時醉霎時醒聽得淵  
明說與劉伶這一瓶約莫三觔君還不信  
把秤來稱有一觔酒一觔水一觔瓶又醒  
睡編有詩云數升糯米淺慳量飯熟全家  
大小嘗著意滿傾三斛水先頭打起一壺  
漿冷吞却似金生麗熱飲渾如周發商  
夜強斟三五盞幾乎瀉破肚中腸

猪無糟

王婆釀酒爲業一道士往來寓其家每索  
酒輒與飲數百壺不酬值婆不與較一日  
道士謂婆曰予飲若酒無錢相償請爲若  
掘井井成泉湧出皆醇酒道士曰此所以  
償耳遂去婆持井所出泉應沽者比風讓  
更佳得錢數萬踰三年道士忽至婆深謝  
之道士問曰酒好否婆曰酒甚好只猪無  
糟耳道士笑題其壁曰天高不籌高人心



第一高井水做酒賣還道猪無槽題蔬而  
去自是井不復出酒矣

### 趙葫蘆

夸堅志秀州趙公衡天資滑稽善與人款  
曲無所不狎侮因寡髮人目之爲趙葫蘆  
時有作小詞以譏之曰家門希差養得一  
枚依樣圓百事無能只去籬邊纏倒藤幾  
回水上虬捺不翻真箇強無處容他只好

炎天暎

青晒

作已

一時傳誦見者無不絕

倒

嘲近視

笑林嘲近視詩云笑君兩眼忒希奇子立  
身邊問是誰屋漏日光拿歪子月移花影  
拾柴枝因看壁面磨穿鼻爲鎖書厨夾住  
眉更有一般堪笑處吹燈燒了嘴唇皮

王少卿

湯臚王少卿善宣玉音洪亮抑揚殊聳觀  
聽而所讀多訛誤其貌美髯而禿頂朝士  
遂爲詩以嘲之曰傳制聲無敵宣章字有  
訛後邊頭髮少前面口鬚多有問京師新  
事者或誦此詩其人遽曰此必王少卿也

皇甫氏

嘉靖中吳中皇甫氏最貴盛而治家素寬  
楊南峯獻壽圖題詩其上曰皇甫先生老

健精神烏紗白髮龜崔同齡皇甫公大喜  
懸之堂識者笑曰此詈公也蓋上列皇老  
烏龜四字公悟而去之

婢僕詩

北夢瑣言咸通中前進士李昌符有詩名  
久不登第因出一奇作婢僕詩五十首行  
於公卿間有詩云春娘愛上酒家樓不怕  
歸遲總不憂報道那家娘子卧且留教住

待疏頭又不論秋菊與春花  
個個能墮空  
腹茶無事莫教頻入庫尋常閒物要些些  
餘皆中婢僕之諱  
浹旬京師盛傳是年登第與挑杖虛鞋事雖不同用奇則一

### 題像

四明豐南禺坊性滑稽里中致仕驛丞某  
繪像具幣求贊語豐題其像曰才全德備  
渾然不見一善成名之迹中正和樂粹然

無復偏倚駁雜之弊丞喜以爲譽之太過  
識者笑曰則其爲人也亦成驛丞矣又寧  
波令遣吏向豐索藥方豐乃書云大楓子  
去了仁無花果多半邊地骨皮用三粒史  
君子加一顆歸以呈令令覽之笑曰豐公  
嘲爾吏請其故令示之曰以上四語謂一  
般滑吏耳

盧使歐陽重巡撫雲南以不給軍糧奪職  
歸舟過館驛必題詩壁上辭皆怨望時年  
甫四十稱涯翁書有無名氏書一絕於詩  
後云怨詞隨處滿垣飛聞道先生放逐歸  
四十稱翁非太早人生七十古來稀又醉  
翁千古號文宗此日涯翁姓偶同却想齊  
名就元老世間安有四旬翁

嘲禿指

元關漢卿作醉扶歸嘲秃指云十指如枯  
筍和袖捧金尊搗殺銀箏字不真搔痒天  
生鈍縱有相思淚痕索把拳頭搵○幼時  
曾聞俚句云十指磊砢音雷光鹿秃有時  
爬背同轂轆搔背爬名齒牙軋物終難剔  
理盡瑤琴不成曲

烹雞誦

唐伯虎遊僧舍見雌雞請烹爲供僧曰公



能作誦當不新也援筆書曰頭上無冠不  
執四時之眈脚根欠跔難全五德之名不  
解離飛但張雌伏汝生卵卵復生子種種  
無窮人食畜畜又食人冤冤何已若要解  
除業障必先割去本根大衆先取波羅香  
水推去頭面皮毛次運菩薩慧刀割去心  
腸汚穢咄香水源源化爲霧縹湯滾滾成  
甘露飲此甘露乘此霧直入佛牙深處去

世身  
卷四  
三  
化生彼國極樂土僧笑曰雖得死所無憾  
矣乃烹以侑酒

偷狗賦

宋肱達道讀書潛山僧舍僧有犬烹之僧  
訴於縣縣命作偷狗賦其警句云撒梵宮  
之夜吠充絳帳之晨羞團飯引來難裨續  
貂之尾索絢牽去驚回顧兔之頭令歎賞

打秋豐

才太守寬謁撫院一主事亦來謁門適開  
才曰何不擊木魚自通主事不可才戲曰  
座上木魚敲夜月主事不荅才曰可對簷  
前鉄馬打秋風主事大怒而去俗以干人  
爲打秋風米元章帖作秋豐○雪濤諸史  
一客慣打抽豐所過郡縣官輒以諛詞動  
之一日謁宜興令又謔云公善政不但百  
姓感恩境內群虎亦皆遠徙言未畢役稟

昨夜有虎傷人令目客曰公說虎皆遠徙  
此言何白而來客曰這是過山虎他討些  
吃了就要去底令大笑而贈之

鋸匠詩

趙東山里中有二執友其一因投荒過家  
其一因磨勘需調皆栖栖桑榆猶戀雞肋  
一日同訪東山見庭下有鋸匠解木因以  
命題東山口占絕句口一條黑路爾人忙

旁晚相看髮已霜你去我來何日了虧他  
扯拽過時光二人知諷已相與感歎罷去

龍宮海藏

正德中某御史按浙觀風以龍宮海藏命  
題試士且云記出處者東立不記者西退  
東西各半已而東立者所作不稱意無賞  
西退者作詩謂之曰東廊且莫笑西廊我  
笑東廊枉自忙悔藏龍宮無你分大家隨

我度錢塘

抹蟬酥

太醫院有抹蟬酥差差時儀從甚都某判  
院欲以炫耀其友在道過焉友作詩嘲之  
曰白馬紅櫻出禁城喧天金鼓咏霓旌穿  
林過莽多豪氣拿住蝦蟇壞眼睛時人傳  
以爲笑

金陵十六樓

藝林學山永樂中晏振之金陵春夕詩有  
花月春江十四樓句蓋洪武中建來賓重  
譯清江石城雀鳴醉仙樂民集賢謳歌鼓  
腹輕烟淡粉梅妍翠柳十四樓于南京以  
處官妓蓋時未禁緝紳用妓飲酒也胡元  
瑞云十四樓語足爲詩料金陵瑣事云金  
陵本十六樓載十四樓而遺南市北市二  
樓今諸樓盡廢獨南市樓尚存鹿邑李叔

通素號仙源洪武中進士博學知天文詹  
掌欽天監遂入欽天監籍有集句詩二卷  
中有咏金陵十六樓詩南市樓云納納軒  
坤大南樓縱目初規模三代遠風物六朝  
餘舊舊何人在登臨適自娛皇恩涵遠近  
莫共酒杯踈北市樓云危樓高百尺極目  
亂紅粧樂飲過三爵還覩納八荒市聲春  
浩浩樹色曉蒼蒼飲伴更相送歸軒錦繡



香集賢樓云迢迢出半空  
画列地圖推魚水千年慶  
車書萬國同長歌盡落日  
妙舞向春風今古神州地  
康衢一望通樂民樓云江  
城如画裏迢迢起朱樓白  
日催人老青尊喜客留百  
年從萬事一醉解千愁帝  
德堯同大洪恩被九州詠  
歌樓云西北萬樓好閒宜  
雨後過憑闌紅日早回首  
白雲多廣溫停簫鼓深紅  
淨綺羅千金不計意

醉坐合笙歌鼓腹樓云翼翼四簷外居人  
有萬家盤空齋屢薦舞破日初斜小酌知  
誰共新詩取自誇聖圖天廣大爛醉慰年  
華清江樓云涵虛混太清時轉遏雲聲湖  
庭雙燕起漁舟個個輕世情何遠近人事  
省將迎談笑逢耆老終身願太平石城樓  
云翠袖拂塵埃煩襟出九垓清光依日月  
逸興走風雷鴻雁幾時到江湖萬里開文

章成錦繡臨咏日盤迴來賓樓云地擁金  
陵勢烟花象外幽九天開秘祉八極念懷  
柔造化鍾神秀乾坤屬遠猷吾皇垂拱治  
不待治書求重譯樓云使節猶頻入登臨  
氣尚雄江山留勝跡天地荷成功千羽三  
苗格車書萬里同聖朝多雨露樽俎日相  
從澹烟樓云久坐惜芳塵鶯花不棄貧閑  
心悲地隔有酒縱天真不問黃金盡應斯

白髮新登臨聊極目紫陌萬家春輕粉樓  
云那樓開縱目風度錦屏開玉腕揜紅袖  
瓊卮泛綠醅參差凌倒影迢遞絕浮埃今  
日狂歌客新詩且細裁雀鳴樓云翠抱憑  
闌外候高不倦登抑揚如有訴悽切可堪  
聽白日移歌袖青天掃画屏古來形勝處  
重到憶曾經醉仙樓云自得逍遙趣乾坤  
獨倚樓天籠平野迴江入大荒流待葉人

間事來爲物外遊蓬萊自有路雲雨夢悠  
悠梅妍樓云天地開華國招邀屢有期風  
烟歸逸興鐘鼓樂清時對新惜餘景送人  
詞舊詩平生無限意莫信箇中吹翠柳棋  
云白幘岸江皐開筵近鳥巢交疎青眼少  
歌罷彩雲消落日明孤塔青山見六朝平  
生愛高興回首興滔滔

商文毅對

天順復辟後益重文墨與儒臣講誦書義  
偶入翰林院見柯潛因舉禮樂征伐自天  
子出何句可對潛一時思索未就英廟曰  
可與同官對來上退潛出遇商文毅輅于  
午門外問柯出何宴潛曰因皇上出句不  
對耳商曰何句潛舉前言商曰可對流連  
荒亡爲諸侯憂明日潛奏之上稱賞

阿丑

成化中汪直用事勢傾中外阿附者立躋  
顯榮忤之者旋加黜奪時有都憲叩頭如  
搗蒜侍郎扯腿似燒葱之誚陳鉞王越諂  
媚尤甚中官阿丑善談諧每於上前作院  
本頗有東方譎諫之風汪直之逐與有力  
焉一日于上前作醉人酤酒一人曰巡城  
御史至酤罵如故自侍郎至尚書內閣酤  
如故又曰駕至其酤尤甚最後曰汪太監

來矣醉者驚起其人曰駕至不惧而惧汪  
太監何也曰天下之人但知有汪太監安  
敢不惧上領之丑復作直持雙鉞趨墮而  
行或問故答曰吾平日惟仗此兩鉞耳問  
鉞何名曰陳鉞王越也又震澤紀聞丑云  
天有兩月一人擊之日月一而已安得有  
兩丑日內有陳鉞外有王越豈非兩月乎  
由是直等竄斥殆盡



智公得路

林居漫錄朝廷闕一清要官政府閒誰可  
任者或以公論對政府曰公論如今無用  
或以古道對政府曰古道如今亦難行或  
以糊塗對政府躊躇曰糊塗如今却去得  
最後有力者舉智巧政府喜曰爾舉是也  
其爲人我雅知之是常折腰猓壽惟我願  
指氣使而莫予違者也遂以屬銓司列啟

事中命下之日富貴利達之士彈冠相慶  
曰智公得路吾輩行且同升矣

譏張江陵

金陵瑣事張江陵柄國鈐束科道官不敢  
揚眉吐舌畧陳異已之論時因編諺語云  
科道缺官文選郎中請於張江陵張謂科  
道官最難得其人卽如孔門四科十哲未  
必人人可用文選云德行如顏回何如張

曰回也於吾言無所不說

說如字下同

未可用

也文學如子夏何如張日子夏入聞聖道而說出見紛華美麗而說未可用也政事如冉求何如張曰求也非不說子之道力不足也未可用也政事如子路但恐其好勇耳張日子見南子子路不說儘可用也儘可用也文選唯唯而退因舉不說者

張江陵對句

顧東橋字撫楚張江陵僅十餘歲隱童子  
試東橋曰童子能屬對乎因曰維雀學飛  
萬里風雲從此始張卽曰潛龍奮起九天  
雷雨及時來東橋大喜解腰間金帶贈之  
曰他日貴過我也

譏教授

弘治末泉州府學某教授南海人頗立崖  
岸一日設宴于明倫堂搬演西廂雜劇翌

日有無名子書一聯于學門云斯文不幸  
明倫堂上除來南海先生學校無光教授  
館中搬出西廂雜劇某出見之赧然自媿  
故態頓去

僧妓相譏

蘇東坡與僧佛印妓琴操每相往來飲酒  
賡和一日佛印往蘇家見琴操卧于紗厨  
因戲曰碧紗帳裏睡佳人烟籠芍藥琴操

卽對曰青草池邊洗和尚水浸葫蘆佛印  
大笑曰和尚得對娘子實出望外

以姓爲聯

惠安歐知縣炎與泉學趙教諭某飲酒知  
縣將教諭姓氏爲聯云趙先生飲酒一走  
便消教諭亦將知縣姓荅云歐大尹徵糧  
合區全欠

丘文莊對句

邱瓊山幼從師于里宦之家塾聰敏有聲  
宦兒頗不好紙筆一日師外適宦兒亦歸  
私第邱肄業中堂時天雨坐席當瓦穴漏  
滴丘肩丘乃換彼兒席居於漏所以已席  
居彼之地宦兒具告其師師曰能偶對者  
卽爲理直因曰點雨滴肩頭丘應聲曰片  
雲生足下師稱善宦兒媿不能對哭告其  
父父怒召丘試以對曰孰謂大能欺得虎

丘卽對曰焉知魚不化爲龍宦驚駭知其  
非常人好語慰歸

龍聽以角

宋壽皇問王季海曰聾字何以從龍耳對  
曰山海經云龍聽以角不以耳故世有偶  
曰蟬以腹鳴不啻若自其口出龍從角聽  
無乃不足於耳歟

詩規鐵崖



楊鐵崖母夢金鈎八懷而生在勝國時以  
史筆自命晚年避地松江之泖湖謝伯理  
家蓄四妓名草枝柳枝桃枝杏花皆善音  
樂乘画舫恣意所之有故人寓詩規之曰  
桃葉楊枝與杏花吹簫鼓瑟奏琵琶可憐  
一代楊夫子化作江南散樂家鐵崖見詩  
稍稍自愛後聶大年讀其詩集有詩云文  
章五采鳳皇雛酒債詩豪膽氣粗白髮草

立楊子宅紅粧檀板謝家湖金鈎夢遠天  
星墮鐵笛聲寒海月孤知爾有靈還不死  
滄桑更變問麻姑此詩善能用事而叙其  
實惜其集中不載

巾詩

七修類藁正德中京都忽以巾易帽四方  
效之至販夫走卒亦有戴之者以其價廉  
易辦卽仁寶作詩譴之云忽出街衢不耐

看今時人物古衣冠望塵走俗人心厭況  
又庸人戴一般其友孫體時一日戴巾訪  
郎恐郎謂之塗中預構一絕郎見而笑孫  
曰予亦有詩遂吟曰江城二月暖融融折  
角紗巾透柳風不是風流學江左年來塞  
馬不生駟二人相對而笑

一錢覓酒

金陵陳子文

藻

號蒼厓家貧嗜酒一日囊

堅瓠集

卷四

三

七

僅一錢市酒飲之作詩自嘲云蒼厓先生  
屢絕糧一錢猶自買瓊漿家人笑我多顛  
倒不療饑腸療渴腸

裁縫冠帶

有業縫衣者以賄得契冠帶顧霞山嘲之  
曰近來仕路太糊塗強把裁縫作士夫軟  
翅一朝風蕩破分明兩個剪刀樞

鎖彌遠

史丞相彌遠用事遇者改官多出其門一日制闕設宴優人粉顏回宰予問回曰汝改乎回曰回也不改因問汝何獨改予曰鑽遂改汝何不鑽回曰吾非不鑽但鑽之彌堅耳予曰汝鑽差矣何不鑽彌遠

庶吉士

萬厯中有以賄改庶吉士者院中作寓言謾之曰昔孔子爲館選座師齊宣王餽兼

金萬鎰因簪筆而就試焉卷呈孔子曰王  
庶幾改宰我食稻衣錦私餉舊穀新穀若  
干試曰倩游夏代筆予書寢而已已而  
送卷孔子曰於予與改顏淵善言德行乃  
曰鑽之彌堅不若旣竭吾才吾見其進也  
試畢閱卷孔子以如愚置之曰回也不改  
他日回請故曰汝簞瓢陋巷出寄百里之  
命足矣何復望華邈乎回因痛哭而死

韓侂冑

韓侂冑恃扶日之功兄弟專權凡事自作  
威福銓除皆不由內會內宴優人王公瑾  
曰今日選人如客人賣傘不油裏面優人  
又爲日者選人問官祿之期日者厲聲曰  
要大官須到大寒要小官須到小寒理宗  
亦爲啟齒

五經題

弘治中程學士敏政主試爲給事華景等  
所劾謂以題私鬻唐寅徐經等值公宴優  
人持雞出曰此雞價值千金一人問曰何  
雞而價高如此優人曰程學士家名爲五  
更啼經題也

頭場題

萬歷丙午將檢討蕭給事主浙試一有力  
者以錢神買題中式主試於鎖闥日得罪



杭郡公郡公銜之徹棘後宴主試預令優  
人刺之其日演荆釵記無從發揮至承局  
寄書李成問足下何來局答曰京城來成  
曰有新聞否曰開白內款矣成又問局曰  
貢方物矣成曰何物曰一豬成曰豬何奇  
而貢之曰絕大成曰驢大乎曰不止牛大  
乎曰不止象大乎又曰不止成曰大無過  
於此矣局曰大不可言且無論其全體只

豬頭豬腦豬蹄你道易價若干成日多少  
局曰只頭場題亦賣千金成日何人買得  
起局曰一收古董人家蓋指中式者董姓  
耳蔣蕭聞之頗亦不歡而罷

善天文

張循王浚性善貨殖伶爲術人善天文者  
云世間貴人必應天象用渾天儀窺之則  
見星不見人矣如無渾天儀可用一銅錢

代之令窺帝曰此帝星也窺泰檜曰相星  
韓世忠曰將星至循王則曰不見星衆駭  
再令窺之曰終不見星但見張王在錢眼  
裏坐滿座大笑○按張循王家多銀每千  
兩鑄一球目爲收柰何

### 鼻頭

吳下稱奴爲鼻頭嘉靖中王氏僕吳一郎  
富而恣以貲得官嘗乘四人轎赴姻家席

孝廉張伯起惡之時有關白之警伯起乃  
遽謂吳曰近聞邱報關白已就擒矣吳欣  
然來問伯起曰關白原是一恠身長數十  
丈腰大百圍截其頭亦重數千觔碎之而  
後能舉也吳曰那有此事伯起曰只一個  
鼻頭亦用四人擡之吳知其誚已不終席  
而去

僧臘

僧家言僧臘者猶言年歲也詩云僧臘堦  
前樹是也又言戒臘者內典云西方結夏  
時以蠟爲人其輕重相等解夏之後以蠟  
人爲驗輕重不差則爲定念而無妄想否  
則血氣耗散必輕於蠟人故爲之戒臘非  
年歲之臘也

### 五大夫

五大夫乃秦爵之第九級者按史記云封

其樹爲五大夫後人不解謂松封大大者  
五株唐陸宣公禁中松詩云不羨五株封  
李義山五松驛詩云獨下長亭念過秦五  
松不見見與薪遂漫延而不可解矣惟雲  
谷雜記引如曾參賜爵七大夫遷五大夫  
爲証最爲明曰

吳祀范蠡不當

吳江祀越范蠡晉張翰唐陸龜蒙爲三高

或彈蠡云匿怨友其人丘明所耻非其鬼  
而祭聖經是誅蠡越則謀臣吳爲敵國鄣  
君爲烏喙目已曰鳴兮變姓名爲陶朱逐  
錐刀於都市乃假扁舟五湖之名居笠澤  
三高之首况當此無邊勝地之上豈應著  
不共戴天之仇其視菰菜蓴羹敝屣名爵  
筆床茶灶短棹江湖者豈容與之並駕臨  
風聯鑣釣雪耶可笑吳癡忘越憾却誇范

蠡作三高劉清軒之見譏固深千年家國  
無窮恨只合江邊祀子胥黃東浦之賜諡  
尤酷所合禡其位沉其軀別議高尚充其  
祀庶千載之流風益凜三江之夜月增明  
元謝應芳上書饒介之亦欲黜范蠡而以  
泰伯爲主配以仲雍季札張陸二公列之  
從祀其論甚善惜饒未之行也

齊已



僧齊已聽琴詩云萬物都寂寂堪聞彈正  
聲人心盡如此天下自和平同時徐東野  
有詩云我唐有僧號齊已未出家時宰相  
器爰見夢中逢武丁毀形自學無生理如  
聽琴絕句正宰相詩也

### 洞庭漁人

卓彥恭嘗過洞庭月下有漁舟棹其旁彥  
恭問有魚否漁人曰無魚有詩乃鼓枻而

歌曰八十滄浪一老翁蘆花江水碧連空  
世間多少乘除事良夜月明收釣筒問其  
姓名不荅而去

### 鏡殿

藝林伐山唐高宗造鏡殿武后意也四壁  
皆安鏡爲白晝秘戲之需帝一日獨坐劉  
仁軌入奏事驚走下堦曰天無二日土無  
二王臣見四壁有數天子不祥莫大焉帝

合劑去武后不悅帝崩后復建之楊麗天  
詩鏡殿青春秘戲多玉肌相照影相摩六  
郎酣戰明空笑隊隊鴛鴦漾漾波胡底鱗  
云六郎謂昌宗明空卽盟字耳但鏡殿隋  
煬帝所造迷樓記帝設銅屏四周殿上白  
晝典官人戲樂纖毫皆入屏中高宗時武  
則天用事中外謂之二聖仁軌蓋假此以諷  
之也

題詩僧庵

昔有人題詩山頂僧庵曰高山頂上一閒  
屋老僧半閒龍半閒半夜龍飛行雨去歸  
來翻羨老僧閒明苑源陳朗溪題詩漳江  
寺曰吟遍三千洞來眠四大床白雲鐘鼓  
外翻笑老僧忙二詩用意不同然皆輕妙  
有味不妨倒案

虎歌

弘治初錢塘安溪山多虎患縣令獵入捕  
之一日而獲三虎令獻於鎮守鎮守以美  
言獎之以爲善政所致而令實貪墨時俞  
鳴玉珩善謔作詩嘲之曰虎告相公聽我  
歌使君比我殺人多使君若肯行仁政我  
自雙雙北渡河

劉菊莊

初劉士亨泰號菊莊善詩七修類稿載其

二絕句語亦警拔咏秋鶯云紫陌曾聽駐  
馬蹄王孫金彈杏花西秋聲不似春聲好  
莫戀斜陽儘意啼蓋譏不知止者又咏秋  
茄云傍葉依花紫實圓天生佳味壓肥鮮  
如何秋晚無人採老在原風白露邊寓時  
無知已意